

den. die³ ansehent oder hoerent⁴ lesen. vnd veriehent offentlich; Das wir egenant vier / Herren gemainlich, ain gelärten ayd. mit vfgbotten vingern. zuo² den hailigen gesworn habent, Daz wir ainander vesteklich / vnd getrűwlichen geholfen. vnd geravten⁵ soellent⁴ sin, mit lib. vnd mit guot², mit vnsern⁶ vestinan. Schlossen Landen / vnd lűten, vnd sunderlich mit aller vnser⁶ macht, wider dis nachbenempten herren, wider Graf Albrechten von werdenberg / herr ze Bludencz Graf Albrechten von werdenberg. herr ze dem hailigen Berg, vnd Graf Ruodolfen² vnd Graf hugen / gebruedern⁷ von werdenberg herren ze Rinegg, vnd sond ouch das vesteklich vnd getrűwlichen gen ainander halten. bi / den aiden, die wir darumb gesworn habent, mit soelicher⁴ beschaidenhait. vnd in der wise vntz vns⁶ obgenanten allen vieran herren / ain gelichs vnd ain recht⁸ gelangot ist. von den egenanten herren von werdenberg. als si hie obgeschriben vnd genemet sind, / Waer¹ ouch das dehain richtung oder taeding¹ an vns⁶ vier herren ainen gesuocht², oder bracht wurd, der selb herr sol / dehain richtung noch taeding¹, nit vf nemmen. ovn⁹ der dryer willen. wissend vnd ravi⁵, vnd sol ouch daz tuon². bi dem aid / so er gesworn hett, Vnd waer¹ ouch das ainer vnder vns⁶ vier herren, also mit willen. gunst vnd ravi⁵. der andern / dryer herren. mit den vorgenanten herren von werdenberg. verricht. vnd veraint wurd, so sol doch der selb. der verricht ist, vns⁶ / den andern dryen herren. dester minder nit beholfen vnd geravten⁵ sin. vntz vns⁶ ouch ain gelichs. vnd ain recht, von den / selben herren von werdenberg. gelanget. vnd wideruaren ist, ze gleicher wyse. ist es ouch ze merkent. ob vnder vns⁶ / egenanten vier herren. zwen, oder dry. mit den obgedachten herren von werdenberg. verricht vnd inain brächt wurdent, / die sovllent⁹ dannocht. denen. oder dem. der. oder die dennocht vnderricht sind. vesteklich vnd getrűwlich beholfen / vnd geravten⁵ sin, vntz inen ouch ain gelichs. vnd ain recht wideruaren ist, vnd soellent⁴ ouch also anander vesteklich / vnd getrűwlich beholfen vnd geravten⁵ sin, in der wise. als hie vor ist geschriben, die wil. vnd wir in lebend sind, / vnd sond ouch daz alwegent vnuerzogenlich tuon², wa, wenn, vnd wie dik, wir des von ainander ermant werdent / bi den aiden, die wir darumb zuo² gott, vnd zuo² den hailigen gesworn habent, Vnd darumb das dis alles. vnd / ieglichs besunder. wār. vest. vnd